

Leser

Aqua vi-
tae

1592



o
f
a
8
d
a
f

U

9. K



15 25 8261

No. 28

Ein herrlich vnnnd war-
 hafftiges Aqua Vitæ vnnnd gülden Was-
 ser/ welches sonst ein Göttlich Doaphoron oder
 aqua Tiriacatem contra pestem genandt: in diesen jetzigen
 gefährlichen zeitten / für viel vnd mancherley Kranckheiten:
 dessen wunderbarliche Tugend nicht gnugsam zu loben / wie
 dann hierinnen zuuernemen / vnd neben verleihung Gottes
 gnedigen Segen / mehr wunderbarliche Kräfte vnd Tugend
 sich in diesem Wasser erfinden / weder ich auff dismal auff
 das kürze hierinn anzeigen thue / Wenniglich zu
 gut durch mich Erhardt Leser Distillator vnd
 Bürger in Nürnberg.



Gedruckt im Jar / 1592.

G. H. Gein



240.58

[Faint, illegible text, likely bleed-through from the reverse side of the page]



[Faint, illegible text, likely bleed-through from the reverse side of the page]





Von der Krafft dieses gülden Wassers / auff das Kürzest.

I.

Estlich es sterck / das Herz / vnd weret also bald den
eingenommen Siff / das es nit zum Herzen kompt.

II.

Es ist auch gut für allerley innerliche Kranckheit /
sonderlich des Hauptes vnd der Glieder / Es stercket die lebens-
digen Geister im Herzen / Es ist auch bewährt für das Herz
zittern vnd schwerer Amachten / vnd vertreibet den Schwindel
des Hauptes.

III.

Es reiniget auch die Augen so mans mit Weinrauten / Es-
lidonien oder Fenchelwasser vermischet / vnd ein Tropffen o-
der zween zu Morgen so man auffstehet / vñ zu Abends so man
zu Bette gehet / laßt in die Augen fallen / so behütet es das Ges-
icht vor allen Zufall / vnd treibet nicht allein die eufferlichen
Starn Fehl / sondern auch die innerlichen Wasser fehl hinweg
vntersündlich.

IIII.

Es ist auch ein gewiß Experiment / wider den Bluff / so
man die Kotte Ruhr vnd durchbruch nennet / mit Tormentill
oder Eichen Laub Wasser eingenommen.

A 2

Es

V.

Es reiniget das Geblüt vnd heylet alle innerliche Kranckheit/als da ist das fraischlich vnnnd den Schlag oder paralyfis..

VI.

Es sterckt vnd mehret die Natur der Weiber vnd Männer/sonderlich bekompt es alten betagten wol / daruon sie sonderliche Freude empfahen/ vnd gleich wie dem Tode nichts widerwertigers ist/ dann das Leben/also auch der P. stilentz vnd allen Giffte nichts widerwertigers / dann dieses Wasser / dann es stercket das Leben wider alle tödliche vnnnd vergiffte Sachen.

VII.

Es mehret die Krafft vnd Tugend vnd behüet alles Fleisch vor Säuhlung / vnnnd so bald dieses Wasser in den Magen kumpt / laufft es stracks dem Herzen zu / dann es gar mächtig / wie es auch vorgemelt/wider das Giffte zustreiten.

VIII.

Vnd behüet also den Menschen / daß ihm kein böser Zufall nicht geschehen mag/ vnnnd ist also dieses Wasser der höchsten Arcanum eins / dann sein Tugend vnd Krafft nicht wol alle mag erzehlet werden.

IX.

Es ist auch dieses Doaphoron oder Aqua Aurea ein certissimum præseruatium contra paralyfin, so man sich dessen befurchtet/so sol man drey mal in der Wochen ein 15. Tropfen in
fen in

fen in einem Löffel vol süßes Weins einnehmen / oder aber in
Lauendel vnd Meyen Blümlein Wasser.

X.

Es ist auch ein certissimum curatium in Epilepsia auff
6. wochen continuè alle Morgens vnd Abendis gebraucht/
sein Dosis ist wie vorgemelt.

XI.

Also ist es auch ein Mitigatium in Doloribus Calculi,
dañ es treibet den Gries vnd Stein ohne Schmerzen / so man
Abends wann man zu Bette vnd zu Morgens so man auffste-
het ein halben Löffel voll / entweder für sich selbst / oder aber
mit Steinbrech oder Pettersilgen Wasser einnimpt vnd ver-
hütet / also daß hernach kein Stein mehr bey dem Menschen
wechset.

XII.

Also auch ist es ein gewaltig Mitigatium in Doloribus
Podagre / dann wie hefftig der Schmerzen / so man nur dieses
Wasser fein subtil darüber stretcht / so legt sich der Schmerzen.

XIII.

Es behelet den ganzen Leib gesunde vnd rein / eröffnet die ver-
stopffung der Lebern vnd des Milchs.

XIIII.

Es benimpt alle hitzige vnd kalte Seber / es leschet den vn-
messigen vnd grossen Durst.

A iij

Es

XV.

Es vertreibet die Melancolen vñ Trägigkeit/ macht fröhlich vñ gibe dem Herzen Freud/ vñ sterckt die Memoria/ vertreibt den Schwindel vñ wehtagen des Hauptis.

XVI.

Item denen so einen schweren Aten haben/ vñ so eng vñ die Brust/ daß sie nur ersticken wollen/ bekompft es trefflich wol.

XVII.

Es dienet auch wider jede Geschwulst/ so man es damit schmiret/ Item für das reissend vñ lauffend Sicht in den Gliedern/ so wol auch für den Krampff damit geschmirt oder Tüchlein darein genetzt vñ darüber warm gelegt/ hilfft es gewaltig.

XVIII.

Also auch da die Kräfte bey den Menschen abnemen/ dar durch dann die Glieder an ihrer sterck verhindert vñ abnemen/ sincken vñ fallen vñ gleichsam verwelcken/ oder da einer vnbedachtsam auff einen Zorn oder Schrecken geling getruncken/ das ihn dann in die Glieder geschlagen/ dar von sichs dann offz begibt/ das manchem Menschen durch solchen Unfall in grosses Vnglück kompt/ also daß ihn die Glieder als die Arm vñ Schenckel beginnen zusincken/ zu schwinden oder zuerkalten/ vñ gleichsam gar zu erstarren/ also daß ein solcher Mensch ihr nicht mehr recht kan mächtig werden/ dieser gebrauch nur alle Tag ein halben Löffl dieses gebenedicten Aqua Vitæ vñ schmirt solche erstarrte Glieder/ so würde

so wurde ihm mit Gottes Hülff sein wider geholffen/vnnd die
Glieder wider zu ihren völligen Kräfften kommen.

XIX.

Ja es stercket nicht allein die schwachen Glieder / sondern
erhelt auch die gesunden / daß sie nicht leichtlich krank werden/
vnnd in Summa / was der Menschen Natur zuviel ist / das
nimmet dieses Wasser hinweg / dargegen was ihr zu wenig ist
das erstattet es vnd gibt es zu in ipsorum vigore wie alle Au-
tores, Ioannes de Rupescissa, Arnoldus de Villa Noua Her-
mes: Reinmundus Iulius: Isag Holandus Rocherius Ba-
cho Hamech: so wol auch Galenus Hippocrates: Albertus
Magnus, Theophrastus: vnd viel andere alte vnd neue Scri-
benten / die solches neben den Veteribus bezeugen / welches ich
vmb kurz willen vnterlasse.

XX.

Vnnd diesem Wasser wegen seiner grossen getemperirten
Krafft / daß es die Mache vnnd Tugend / ja auch die Wir-
kung aller ander Arzney habe / derhalben sie es ein gene-
ral Meticin genant. Darumb daß es alles Fleisch so le-
bendig vor der zerstörigkeit erhelt / Ja auch alles todtes
Fleisch so es damit befeucht / erhelt es vor aller Säulung/
Wärmen / Maden vnd Unziffer / derhalben man vor Jarn
Aqua aurea vnd Wasser des Lebens in die Todten Körper
goss vnnd aussen damit gesalbet / vnd Balsamire / sampt
andern noch mehr darzu gehörigen Stücken / damit sie vor
der Säulung sindt erhalten worden / wie man dann noch teg-
lich an den Mummien siehet.

Vnd



XXI.

Vnd schreiben vorgemelte Authores zum theil / wer dieses Doaphora Aqua Aurea teglich gebrauche / das derselbig sein Leben in Gesundheit erhalte / biß zu dem prædestinirten Ziel vnd Sündlein / so ihme von Gott dem Allmächtigen zum Aufgang dieses zeitlichen Lebens gesetzt ist / derhalben es billich ein Aqua Vitæ vnd gölden Wasser / vnd der Balsam des Lebens genant wirdt.

XXII.

Den Weibebildern so viel vnd mancherley Kranckheiten vnterworffen / von denen sich nicht gebären wil / so öffentlich zuschreiben (sonderlich aber in contra suffocationem Matricis, vnd in allen heimlichen Kranckheiten der Weiber) ist es ein gebenedeyte Arzney / so sie solches täglich oder aber zum wenigsten ein drey mal in der Wochen fünfzehen Tröpflein in einem Löffel voll Aquam Melisa oder Menta gebrauchen / dann es reiniget die Mutter / von der sie viel anstöß leiden / vnd bringet ihnen auch ire rechte natürliche zeit.

XXIII.

Insonderheit aber / welche Frau der liebe Gott gesegnet / das sie schwangers Leibs / die soll es mit freuden gebrauchen / dann es sie vnd das Kindlein in guter Gesundheit erhalt / vnd ist auch ein bewert vnd kräftig Mittel / daß es die ander Geburt / so man das Bürlein nennet / nicht lest anwachsen / es verreibt auch die bösen Winde im Leib / welche sonst das Gedärm auffblehen / darvon dann sonst der Grimmen entsethet.

Ziem/



XXIIII.

Item/ wer nicht schlaffen kan / der nehe ein Tüchlein in diesem Wasser/ vnd leg es auff den Schlauff/ vnd bestreiche die Pulsadern damit/ der wirdt gar fein sanfft ruhen.

XXV.

Also auch/ wer löcherte Zähne vnd schmerzen darinnen hat/ der nehe ein Baumwollen darinn/ vnd legs auff den Zahn/ stillt den schmerzen also baldt.

XXVI.

Item/ wer ein Gliede verrückt / oder ein Handt verstaucht/ ein Arm verrückt/ ein Fuß verstaucht / oder auff ein Gliede gefallen/ der schmier es mit diesem Aqua Vitæ, es hilfft also baldt.

XXVII.

In der zeit aber / da die Pestilenz grassirt, soll man dieses Aqua Vitæ alle Morgen / oder vber den andern Tag trincken/ vngesährlich ein halben Löffel voll/ oder eins quincleins schwer/ oder ein halbe Nußschalen voll / vnd zwo oder drey Stunden darauff fasten / so ist eines neben Gottes gnediger Fürsichung/ ohne welchen sonst niemands nichts vermag / sicher vier vnd zwanzig stunden vor dieser erschrecklichen Kranckheit der Pestilenz/ vnd für alle böse Sieber / oder böser Luft/ so des Menschen Herzen vergiffen mögen.

XXVIII.

Item / so ein Mensch die Peste schon bekommen hette/ welches man daran soll spüren vnd erkennen/ wann den Menschen
 B ankommet

Kommet zu schauwern vnd frieren / vnd dann vber ein weil wol
derumb hyzig oder heiß ist / vnd wider frieret / vnd im sein Haupte
wehe thut / vnd gern schlaffen wolt / vnd sich würgen vnd bricht /
vnd gern trincken wolt / so ist es ein gewisses Zeichen der Pe-
stilenz.

XXIX.

Diesem Menschen soll man flux ein Loth dieses Wassers
mit einem Goldtaiden schwer von dem Kraut Schordium
oder Cardobenedicta, eingeben / flux lassen nider legen / vnd
warm zu decken / vnd also zwö / oder wo möglich / drey guter
stunden wol lassen schwitzen / dieses treibt das Gift gewaltig
durch den Schweiß. Ja da auch schon Peulen vor der handt
vnd auffgeschossen / die zertrennets vnd führets durch den
Schweiß vnd Stuelgang auß / also / daß derselbige Mensch
sich hernacher nicht weiter darff befahren / Jedoch soll solcher
Mensch ime in allwegen nach diesem Schweiß vnd purgiern
ein Ader öffnen lassen / es sey gleich die Median oder ein ande-
re / je nach der gelegenheit des Schadens / vnd es die noth erfors-
dern wirdt / welches ich dann diß falls den verstandigen Medicis
heimlich vnd befehl.

XXX.

Dann dieses Wasser ist das Leben vnd der Balsam / der den
natürlichen Leib erhelet vnd alles böses auß der Menschen Cor-
p r außstößt / darinnen sticket der Brunn / damit alle Kranck-
heiten nach Gottes willen geheilet werden.

XXXI.

Dann dieses Arcanum bringet das faule Geblüt in eine
Reno-

Renouation, daß der Humor Radicalis rein vnd frisch / wie
bey einem jungen Kinde gefunden wirdt / verstehet wie auch
vorgemelt / so es täglich gebraucht würde / Diß ist ein grosses
Geheimnuß / so Gott der H^{er}z in diß Doaphora Aqua Vitæ
& Aurea gelegt hat / dem Menschen zu gut.

XXXII.

Vnd schreibet der Egypter Philetton nach lenge / daß der
grosse / gewaltige Heidnische König Xopholat, sampt etlichen
seinen Rätthen / das Leben mit diesem Arcano Arcanorum,
biß auff 300. Jahr mit gesundtheit erhalten / Auch wann er zu
Felde gezogen / habe er seinen besten Kriegsheuten von diesem
Wasser zutrinken geben / dardurch sie zu solchen Kräfften
kommen / vnd ihr Gemüth vnd Geblüt also erfrischet sey wor-
den / daß sie gleich freudig wie ein Löwe vnd freudiger Löw in
der Schlacht sich geübet / vnd auch gesieget vnd obgelegen / vnd
wer da wil / mag bey gemeltem Authore dieses nach der lenge
lesen.

XXXIII.

So beschreibet auch der Ehrwürdige vnd Hochgelehrte
Herz Bartholomæus Korndorffer / seines Standes gewesen
Priester in seinen Libellis, daß er sich sampt einem ehrlichen
Mann / der 89. Jahr alt / sampt andern ehrlichen Leuten / mit
diesem Doaphoron, Aqua Vitæ & Aurea also renouirt vnd
restaurirt, daß er gleichsam span neuw / vnd in seinem hohen
Alter befunden / als wann er gleich jung were / vnd auch sein Le-
ben also erlangert / daß er / so wol auch die jenigen / denen er solch
Arcanum mitgetheilet / keine Kranckheit biß zum Aufgang
irer Seelen / befunden haben / vnd daß er auch die gefährlichsten
Kranck-

Kranckheit / als da ist die Lame der Glieder / die Wassrsucht /
Podagra / hinfallet Sucht / Franckosen / auch die fressenden
Schäden / als der Wolff / Krebs / Wurm an Brüsten vnd
Menschen Schenckeln mit diesen Doaphoron geheilet / vnd
daß darinnen ein solch Feuer vnd Göttliche Krafft seye / daß
nicht allein die schädlichen Stüß verzehret / sondern auch das
Marck in Beinen vnd das Fleisch am Menschen renouire
vnd new gemacht / vnd wer da wil / mag bey gemeltem Authore
auch weiter von diesem Geheimniß lesen.

XXXIIII.

Vnd dienet also dieses Wasser / alten vnd jungen Leuten /
was Natur die sind / auch den jungen Kindern / doch daß
mans den Kindern mit einem andern Franck vermische / ihe
nach gelegenheit der Kranckheit / oder mit solchen Wassern so
zu jeder Kranckheit von den Gelehrten verordnet seyn / wie in
Kreuter Büchern zusehen.

XXXV.

IIXXX

Derhalben habe ich dieses Aqua Vitæ & Aurea, oder Doa-
phoron als ein grosse heilige Gab Gottes / hiemit menniglic-
hen zu guten an Tag geben wollen / Der Allmächtig Barm-
herzig GOTT / der alles in seinen Händen / vnd seine heilige
wirkende Krafft in alle irdische Geschöpff / sonderlich aber
in die Arzney dem Menschen / welchen er nach seinem Eben-
bildt geschaffen / zu gut gelegt / Der verleihe noch ferne zu
dieser vnd allen andern Arzneyen seinen heiligen Segen / daß
dieses Doaphoron Aqua Vitæ & Aurea menniglichen zu gu-
ten erspriessen / vnd wir dardurch seine heilige Wohlthat erken-
nen / vnd ihme auch sampt seinen lieben Sohn / vnsern lieben
HEHN

HEXEN vnd Seligmacher Jesum Christum sampt dem
heiligen Geist/von Herzen dancken/ehren loben vnd preisen/
hie zeitlich vnd dort in alle ewigkeit/ Amen.

Dieses gülden Wasser Aqua Vitę oder Doaphoron genant
sampt allerley Olien so auß Metaln Mineralin Steinen/
Gewirzen/ Kräuttern vnd Samen künstlich extrahirt vnd
Distillirt / findt man auffrecht/bewärt vñ gut bey mir Erhard
Leser Distillator vnd Bürger zu Nürnbergk.



Faint, illegible text, likely bleed-through from the reverse side of the page.




Uf 1310

ULB Halle

3

004 840 275





19 35 8261

No. 28

Ein herrlich vnnnd war-
hafftiges Aqua Vitæ vnnnd gülden Was-
ser/ welches sonsten ein Göttlich Doaphoron oder
aqua Tiriacatem contra pestem genandt: in diesen seßigen
gefährlichen zeitten/ für viel vnd mancherley Kranckheiten:
dessen wunderbarliche Tugend nicht gnugsam zu loben/ wie
dann hierinnen zuuernemen/ vnd neben verleihung Gottes
amedigen Segen/ mehr wunderbarliche Kräfte vnd Tugend
ich in diesem Wasser erfinden / weder ich auff dismal auff
das kürze hierinn anzeigen thue / Wenniglich zu
gut durch mich Erhardt Leser Distillator vnd
Bürger in Nürnberg.



Bedruckt im Jar / 1592.

